

《化儀四教》如世藥方。釋尊一期化導衆生以此四種教學層次來說明聖言量的區別。

甲

《頓教》分二義：《頓教部》、《頓教相》。

(1)

「頓教部」：釋尊初成道為上根者（法身大士等）所頓說。即一期化導中，直說界外大法不與三乘共者如《華嚴經》《持國經》《圓覺經》。《圓.別》。

(2)

「頓教相」：初發心時便成正覺。惟修不二。生佛異同等義則《方等》《般若》諸經悉皆有之。

乙 《漸教》分二義：《漸教部》、《漸教相》。

(1)

「漸教部」：分「漸初」、「漸中」、「漸後」。《圓.別.通.藏》。

「漸初」：《阿含經》為漸初。一期化導中所說《生滅四諦》《思議生滅十二因緣》《華嚴》等三乘權法並宜收入此部。

「漸中」：《方等》為漸中。世尊一期化導中所說「彈偏斥小」「歎大褒圓」等經及餘四時所不攝者並宜攝入此部。如增上緣名義實故。

「漸後」：《般若》為漸後。一期化導中所說「空般若」「不空般若」諸般若教並宜攝入此教。

(2)

「漸教相」：即歷劫修行斷惑證位次第則華嚴亦是。

◎《法華》會漸歸頓（開權顯實，開三會一）不同《華嚴》初說故「非頓」。不同《方等》《般若》隔歷未融故非漸。但仍雙照頓漸兩相。  
教

102年元月2日

因：〈秘密教〉分二義：〈秘密教〉〈秘密呪〉。

(1) 〈秘密教〉於前四時中或有被人說「頓」。有此人說「漸」等彼此互不相知各自得益。

◎〈法華〉正直指方便但說無上道故非〈秘密教〉。

(2) 〈秘密呪〉一切陀羅尼章句即「五時教中皆悉有之」。

因：〈不定教〉分二義：〈不定教〉〈不定益〉。

〈顯靈呪〉、〈秘密不定〉。

(1) 〈不定教〉即於前四時中或有被人說「頓」、有此人說「漸」彼此互知名別得益，即是聞頓者聞頓、聞漸者聞漸。

◎〈法華〉決定說大乘故非「不定教相」。

(2) 〈不定益〉：聞教得益不定。在前四時中或聞頓教得漸益，或聞漸教得頓益，即是以頓助漸以漸助頓。

◎〈隨聞法華〉一向一偈皆得發記作佛故非「不定益」。

〈顯靈呪〉及〈秘密不定〉皆用〈四種化法〉。

● 菩提心義海

菩提之心，成佛之本，發起之相，具在衆經。大  
 事因緣莫過於此。欲正修覺不可不知。隨所  
 見聞略辨其相。菩提心義。五門分別。一釋名  
 義。二體性。三辨一異。四明相狀。五述行  
 願。初釋名義者。梵云菩提。此翻名覺。衆生迷  
 覆名爲不覺。今遇善友開發無明。省除迷覆  
 求覺之心。名菩提心。發求菩提之心名菩提  
 心。依主釋也。若悟名覺迷爲不覺。譬如迷  
 人依方故迷。衆生爾耳。依覺故迷。若離於覺  
 則無不覺。猶是言之。菩提與心不得爲一。菩  
 提與心相遠釋也。二釋體性者。如義府說。三  
 辨一異者。心與菩提性無有二。由無二故不  
 可分別。此就理體無差別門。故華嚴云。如心  
 佛亦爾。如佛衆生然。心佛與衆生。是三無差  
 別。虛空藏經第四亦云。世尊常演說法無盡。  
 有情及虛空。菩提心佛法。若依進修起行願  
 門。即發起妄心求菩提故名菩提心。故起信  
 云。云何熏習。起淨法不斷。所謂以有真如法  
 故。能熏習無明。以熏習因緣力故。則令妄  
 心厭生死苦。樂求涅槃。以妄心有厭求因緣  
 故。即熏習真如。自信已性。知心妄動無前境  
 界。修遠難法。以如實知無前境界故。種種方  
 便起隨順行。不取不念。乃至久遠熏習力故。  
 無明則滅。以無明滅故心無有起。心無起故  
 境界隨滅。以因緣俱滅故心相皆盡。名得

涅槃成自然業等。此則妄成其。發起妄心。  
 求起真覺。即真妄爲異也。而實雖真無妄。妄  
 體即真。以不覺者即本覺故。是非異也。四明  
 相狀者。發菩提心之相狀有二。一明行位相。  
 二辨功用相。行位相狀者。長耳三藏云。初習  
 種性發心有二。一假想發。二輕想發。三信想  
 發。初假想發者。由三種力。一善友力。謂善知  
 識。二行力。謂受律儀。三法力。通別二因。通  
 謂如來藏內熏之性。別謂信等五根。由此三  
 力。假起求菩提想。自利利他漸次修習。譬  
 如輕毛無所倚著。名輕想發。後漸漸修。信心  
 澄淨得入十住。名信想發。起信論云。發心有  
 三。一者信成就發心。二者解脫發心。三者證  
 發心。初信成就發心者。謂不定聚衆生。有熏  
 習善根力故。信業果報。能起十善。厭生死苦。  
 欲求無上菩提。乃至云。經一萬劫信心成就  
 故。諸佛菩薩教令發心。或以大悲。能自發心。  
 或因正法欲滅。以護法因緣。能自發心得入  
 十住。此則同前信想發心也。本業經云。是信  
 想菩薩。於十千劫。行十戒法。當入十信心。入  
 初住位。即發心住也。仁王經云。智種性有十  
 信。已起二乘一切善地。起信又云。發何等心。  
 略說有三。一者直心。正念真如法故。二者  
 深心。樂集一切諸善行故。三者大悲心。欲拔  
 一切衆生苦故。乃至云。菩薩發是心故。則得  
 少分見於法身。以見法身故。隨其魔力。能  
 現八種利益衆生等。二解行發心者。當知轉  
 勝。以是菩薩從初正信已來。於第一阿僧祇  
 劫。將欲滿故。於真如法中。深解現前。所修離

相等。三證發心者。從淨心地。乃至菩薩究竟  
 地。證何境界。所謂真如。乃至云。又是菩薩發  
 心相者。有三種心微細之相。一者真心。無分  
 別名。二者方便心。自然遍行。利益衆生。故三  
 者業誠心。微細起滅故等。二辨功用相者。維  
 摩經云。欲得佛身。斷一切衆生病者。當發阿  
 耨多羅三藐三菩提心。華嚴七十八云。菩提  
 心者。由如種子。能生一切諸佛法故。菩提心  
 者。由如良田。能長衆生白淨法故。菩提心者  
 由如大地。能持一切諸世間故。菩提心者。由  
 如淨水。能洗一切煩惱垢故。菩提心者。由如  
 大風。普於世間無所礙故。菩提心者。由如盛  
 火。能燒一切諸見解故。菩提心者。由如淨日。  
 普照一切諸世間故。菩提心者。由如盛月。諸  
 自淨法悉圓滿故。菩提心者。由如明燈。能放  
 種種淨光明故。菩提心者。由如淨日。普見一  
 切安危處故。菩提心者。由如大道。普令得  
 入大智城故。菩提心者。由如正濟。令其得離  
 諸邪法故。乃至云。善男子。若有發阿耨多羅  
 三藐三菩提心者。則已出生無量功德。普能  
 攝取一切智道。善男子。譬如有人得無畏藥  
 離五恐怖。何等爲五。所謂。火不能燒。毒不能  
 中。刀不能傷。水不能漂。煙不能熏。菩薩摩訶  
 薩。亦復如是。得一切智菩提心藥。貪火不燒。  
 瞋毒不中。惡刀不傷。有流不漂。諸覺觀煙。不  
 能熏害。善男子。譬如有人得解脫藥。終無橫  
 難。菩薩摩訶薩。亦復如是。得菩提心解脫智  
 藥。永離一切生死橫難。善男子。譬如有人持  
 摩訶應伽藥。毒蛇聞氣即皆遠去。菩薩摩訶

薩亦復如是。持菩提心大應伽藥。一切煩惱諸惡毒蛇。聞其氣者。悉皆散滅。第五明行願者。願揚云。世俗發心者。為對智者前發弘誓願。乃至云。我從今日發無上菩提心。為欲饒益諸有情故。從今已往。凡我所修六波羅蜜。皆為證得無上菩提故。我今與諸菩薩摩訶薩和合出家。願尊證知。我是菩薩。毘盧遮那疏云。發菩提心者。謂生決定誓願。一向志求一切智智。必當普度法界眾生。此心由如幢旗。是衆行導首。由如種子。是萬德根本。若不發此心。亦如未託歌羅羅。則大悲胎藏。何所發育。又云。日喻本淨菩提心。即是毘盧遮那自體。月喻菩提心。白月十五日衆行圓滿。喻成菩提。黑月十五日衆行皆息。喻般涅槃。中間與時昇降。喻方便善巧等。發菩提心經云。若菩薩親近善知識。供養諸佛。修習善根。志求勝法。心常柔和。遭苦能忍。慈悲濃厚。深心平等。信樂大乘。求佛智慧。若人能具如是十方。乃能發於無上菩提之心。復有四緣能發是心。一者思惟諸佛。二者觀身過患。三者慈愍衆生。四者求最勝果。一思惟諸佛者。三世諸佛。初發心具煩惱性。亦如我今。發大明慧。於無明蔽。建立勝心。積集苦行。度生死海。捨身命財。求一切智。今皆成就。若此菩提。是可得法。我亦應得故。發菩提心。二觀身過患者。自觀我身。九孔常流臭穢不淨。生厭離故。又觀五陰四大。俱能興造無量惡業。具貪瞋癡無量煩惱。如泡如沫念念無常。求捨離故發菩提心。三慈愍衆生者。見諸衆生。無

明所縛。衆苦所纏。集不善業。受大劇苦。捨離正法。信受邪道。沒煩惱河。不求解脫。轉造衆惡。惡念彼故。發菩提心。四求最勝果者。見諸如來。相好莊嚴。有戒定慧。知見清淨。十力無畏。大悲三念。具一切智。憐愍衆生。常住法身。清淨無染。為修習故。發菩提心。又云。發菩提心者。先當堅固發於正願。所謂四弘誓等。立志堅強。作大要誓。常修正行。所謂六波羅蜜等。故此佛刹經中。虛空王立誓云。對於大衆前。我發菩提心。誓度諸群生。皆離於衆苦。願從今已後。若我有染污瞋恚嫉妬心。並我慢貪愛。是欺誑十方及現在諸佛。乃至云。由斯誠實言。地動六種。我若不實語。四大互遷易等。又發菩提心經云。立決定誓。有五事持故。一者能堅固其心。二者能制伏煩惱。三者能遮放逸。四者能破五蓋。五者能勤修行。六波羅蜜等。若具如是誓願。堅固勇猛。修施戒忍。進定慧慈。悲喜捨無有退轉。是名真發菩提心也。維摩經云。發阿耨多羅三藐三菩提心者。是即出家是即具足也。

界塵刹海會一切如來果滿聖賢。皆依毘盧遮那淨妙法身。現自他受用及變化身。所詮教理皆真言陀羅尼門。流演三藏教法。既隨根性。有大小乘三藏。各證戒定慧及蘊處界緣聖諦食等法。所謂素和覽比隨迦。唐言契經藏。微矣耶比隨迦。唐言調伏藏。阿毘達磨比隨迦。唐言對法藏。即是契經律論藏。故稱三藏。真言陀羅尼門。字具攝一切三藏教理行果。若解一尊陀羅尼教。即三藏陀羅尼者。唐言總持者。持一切惡法不生。持一切善法不滅。摧却一切雜染之法。證得清淨法界等流教法。言總持者。於一字義中。悟無量百千甚深妙義。修行宣說逆順自在。言三摩地總持者。由此陀羅尼故。三摩地現前。悟無量百千三摩地門。是故菩薩常於六趣示現受生。不被煩惱隨煩惱壞。證大神通。成就利樂無邊有情。言文字總持者。由此陀羅尼。成就於一字中所開所謂無量甚多羅。永不忘失。當知陀羅尼者。遍持三身大功德法。佛之法性法住法界。總持諸法也。三世如來皆依此門而成正覺。若樂修行者。應從瑜珈阿闍梨。發無上大菩提心。受三摩耶戒。入大曼拏羅得灌頂者。然許授受修行也。受大毘盧遮那一切如來五智灌頂。紹阿闍梨位。方可傳教也。灌頂者卽命受位之義。受佛智體金剛名號。從此已後。受得廣大甚深不思議法。超越二乘十地名大金剛薩埵。阿闍梨者。紹佛傳法。行如來事。修佛身密之戒律。持佛語密之真言。依佛心密之正智。為有情三密

### 明佛法根本碑

No. 1954

大興善寺大曼拏羅  
阿闍梨三藏智慈論述  
佛根本者。薄伽梵大毘盧遮那。為諸佛所依。法根本者。真言陀羅尼。為諸法所依。十方法